



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ecclesiasticorum Vita, Moribus, Officiis Libri Tres

Schevichavius, Gisbertus

Mogvntiae, Anno M.DC.XXI.

Cap. XXX. Angeli Altarivm custodes.

urn:nbn:de:hbz:466:1-42349

Hier. epist. 17. c. 3. & in c. 52. Isa. & 11. Ezech. ex Ioseph. l. 7. de bello Iudaic. cap. 12. ait, quod apertis repente ianuis templi, & sponte reueratis, quas multi homines claudere vix poterant, ex adytis templi audita voces Angelorum & celestium virtutum, quæ ibi prius in presidio erant: Transmigramus ex his sedibus. Quod contigit paulo ante templi euersionem. Iam vero si in Iudaico siue Tabernaculo, siue templo commorati sunt sancti Angeli, quanto magis in Christianorum Ecclesiis, quæ omnibus modis sanctiores sunt, sedem domiciliumque suum fixerunt? 1. Cor. 11. v. 10. Ideo debet mulier potestatem habere supra caput propter Angelos. hoc est velamen, capitis operimentum, quod est insigne subiectionis mulieris erga virum, & potestatis viri supra mulierem: Ergo tegendum & operiendum mulieri caput propter Angelos: Quos illos? An damnatos? sic aliqui inficienter putauerunt, quasi in illorum concupiscentiam exardescerent, aut parati ad seductionem, eas vt infirmiora vascula petulantius perrentarent. Rectius alij Sacerdotes intelligunt, qui per translationem in Scriptura Angeli appellantur. Optime qui de beatis spiritibus in templo degentibus accipiunt, vt Sanctus Hieron. & Chrysof. Orig. Bernard. de vita solitaria.

Femine in templis tecta ob sanctorum angelorum reuerentiam.

C A P. XXX.

ANGELI ALTARIVM

custodes.

Quid quod beati illi spiritus non modo templum incolant, sed singulas etiam aras custodiant? Sic enim legimus in Prato spiritali c. 4. Narravit nobis Abbas Leontius canobii S. Patris nostri Theodosii Dux dicens: Quodam die Dominico descendi in Ecclesiam, vt acciperem S. mysteria. Ingressusq; vidi Angelum stantem ad dextrum altaris cornu, & magno pauore correptus, reuersus sum in cellulam meam.

meam. Et venit mihi vox de celo, dicens: Ex quo sanctificatum est altare istud, ego iugiter illi astare iussus sum.

§. Et rursus ibidem cap. 10. Postquam ascendit Abbas Barnabas ex spelunca sua ad Turres, cum fuisset ibi aliquantulum temporis, Anachoreta quidam alius abiit ad speluncam ipsius, ingressusq; vidit Angelum Dei stantem super altare, q̄ fecerat senior, atq; sacrauerat. Atq; ad Angelum Anachoreta: Quid hic agis? Cui Angelus ille. Ex quo sanctificata sunt ista, à Deo ipso mihi credita sunt.

C A P. XXXI.

SACRÆ RELIQUIÆ VENERATIONEM reuerentiamq; afferre debent Ecclesiasticis.

Templa S.
Reliquiis
ornanda.

§ Reliquiæ etiam & Sanctorum lipsana in templo honorificè condita, & illud templum exornant, juxta sententiam S. Aug. serm. 256. de Tempore. Adhuc, inquit, *amplius agende sunt gratie Deo nostro: Hanc enim Ecclesiam, quam fecit nomini suo construi, fecit etiam Sanctorum Martyrum reliquiis amplius honorari.*

§. Et simul mirum in modum eadem reliquiæ pietatem nostram prouocant & inflammant: fuerunt enim illa lectissima S. Spiritus templa, membra Christi, 1. Cor. 6. v. 15. & omnimodæ virtutis organa & instrumenta Rom. 6. v. 13. in quibus, quasi spirantes adhuc Sanctos & nobiscum degentes, intuemur, admiramur, colimus, atq; vtinam & æmulemur.

§. Præclarus Auctor Magnetes ante annos milles ducentos l. 4. contra Theostenem: *Manifestum est, inquit, quod ossa Sanctorum non sunt mortua, sed potius plena virtute. Si enim simbria propter illum, qui ferebat eam, credenti dedit virtutem sanitatis, & solo tactu curationem fecit, Matth. 9. v. 20. & c. 14. v. 36. quo modo non dicamus Sanctos simbris in animis honoratiores, non posse is, qui sine ulla*
dubi-